

**ALKATETZA  
DEKRETUA**

2021 000000255

**Espediente-zenbakia:** 2020/IDA\_DEK1547**Xedea**

**GOUP udalean integratzearen ondorioz, 2019ko ekainaren 21eko 1.479. zenbakidun Alkatetza Dekretuz onartutako delegazioak aldatzea onartzea.**

**Aurrekariak**

Lehenengoa: 2019ko ekainaren 21eko 1.479. zenbakidun Alkatetza Dekretuz, alkatearen ahalmenak beste organoetan delegatzea onartu zan.

Bigarrena: 2020ko azaroaren 27an, udal Osoko Bilkureak, Gizarte Ongizaterako Udal Patronatua desegiteko hasikerako akordioa hartu eban.

Hirugarrena: Entzunaldi epea 2021eko urtarrilaren 18an amaitu zan eta, alegazinerik aurkeztu ez zanez, hasikerako erabagia behin betiko bihurtu zan 2021eko urtarrilaren 19an, erabagiak eraginak izateko BAOn argitaratu behar izatearen kalte barik.

Laugarrena: Gizarte Ongizaterako Udal Patronatua desegiteko behin betiko akordioa 2021eko otsailaren 1eko Bizkaiko Aldizkari Ofizialean argitaratu da eta egun honetatik aurrera eukiko dauz eraginak. Hori horrela, otsailaren 1etik aurrera Gizarte Ongizaterako Udal Patronatua Bermeoko Udalean integratuta geratuko da sail moduan.

**Argudioak**

Lehenengoa: Toki Erregimena arautzen dauan 7/1985 Oinarri Legeak, bere 21.3 artikuluan honakoa xedatzen dau: "El Alcalde puede delegar el ejercicio de sus atribuciones, salvo las de convocar y presidir las sesiones del Pleno y de la Junta de Gobierno Local, decidir los empates con el voto de calidad, la concertación de operaciones de crédito, la jefatura superior de todo el personal, la separación del servicio de los funcionarios y el despido del personal laboral, y las enunciadas en los párrafos a), e), j), k), l) y m) del apartado 1 de este artículo. No obstante, podrá delegar en la Junta de Gobierno Local el ejercicio de las atribuciones contempladas en el párrafo j)".

Hori horrela, eta eraginkortasuna hobetzeko asmoz, ahalmen batzuk delegatzea erabagi eban alkateak.

Bigarrena: Baina kontutan eukita otsailaren 1etik aurrerea Gizarte Ongizaterako Udala Patronatua Bermeoko Udaleko sail bihurtuko dala, eguneroko funtzionamenduan, eraginkortasuna hobatzeko, onartutako delegazio batzuk aldatu eta beste barri batzuk

1



Agiri hau benetakoa dala udalaren egoitza elektronikoan egiaztatu ahal dozu.

Kodea:

07E50005CE100017R3Q1W1O5W5

**Sinadurea eta data**

ARITZ ABAROA CANTUARIENSE-BERMEOKO ALKATEA - 02/02/2021  
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 02/02/2021  
11:31:45

EXPEDIENTE ::  
2020IDA\_DEK1547

Data: 10/12/2020

Lekua: Bermeon

Erregistro unidatea:  
Erregistro nagusia

onartzeko beharrezana ikusi da, beti be lehen aitaturako 7/1985 Legeko 21.3 artikulua aurreikusten dauzan aukerakaz bat.

### Erabagia

Goian aitaturako guztia kontuan hartuta honakoa erabagi dot:

**LEHENENGOA:** 2019ko ekainaren 21eko 1.479.zenbakidun Alkatetza Dekretuz onartutako delegazioak aldatzea eta, ondorioz delegatutako ahalmenak modu honetan ixtea:

1.- Tokiko Gobernu Batzarraren alde, ahalmen honeek delegatzea:

#### Urigintza:

- Urigintza eta Ingurumeneko lizentziak onartzea, obra txikiak izan ezik.
- Ordezko exekuzioa espedienteak hasia eta amaitzea.
- Egite aginduak emotea.
- Urigintza legalitatea berreskuratzeko espedienteak hasia eta amaitzea.
- Urigintzako instrumentuen onarpena:
  - o Planeamendu Orokorra garatzeko instrumentuen onarpena.
  - o Urigintz kudeaketako instrumentuen onarpena.
  - o Urbanizazio proiektuen onarpena.

#### Ekonomia:

- Hurrengo gastuak onartzea:
  - o Dirulaguntzak emateko deialdiak onartzea eta ebatzea (AD faseak), dirulaguntza honek ezik: Gizarte Larrialdietarako Laguntzak eta Beste baliabideek estaltzen ez dabezan beharrezanei laguntzeko udalaren dirulaguntzak.
  - o Dirulaguntza nominatiboak emateko erabagiak hartzea.
  - o 15.000 eurotik gorako gastuak (BEZa barne) onartzea eta xedatzea.

#### Langileria:

- Langileeri diziplina espedienteak zabaldu eta amaitzea.
- Langileeri espediente informatiboak edo argitze espedienteak zabaldu eta amaitzea.
- Langileen eskari honek ebatzea:
  - o Lanaldi murrizketak.
  - o Eszedentzia eskariak.
  - o Edoskitze lizentziak.
  - o Lanpostua aldatzeko eskariak
- Langileen lan egutegiak onartzea.



**Kontratazioa:**

- 15.000 eurotik gorako (BEZa barne) kontratazio espedientetako baldintza agiri, deialdi eta esleipenen onarpena, kontratuen luzapenak ebatzea eta kontratazioaren exekuzioagaz lotutako besteko erabakiak hartzea, esleipen prozeduran egon leikezan galderak erantzutea eta pleguen zuzenketak onartzea izan ezik.

**Ondarea:**

- Jabari publikoaren okupazio lizentziak emotea, beti be 3 egunetik gorako iraupena daukeenean, obra lizentzia batez lotura ez badauka, ezta kultur ekipamendu batez.
- Emakida espedienteak hasi eta esleipenak onartzea, eta emakiden eskualdatzeak, bajak eta berreskuratzeak onartzea.
- Ondasunen eskuratzeko onartzea, eskuratzeko modua edozein izanda be.
- Ondasunen salmenta espedienteak hasi eta salmenta onartzea, eta eskaerak ebatzea.
- Egurren aprobetxamendurako lizentzien eskariak ebatzea.
- Eraikinen lan egutegiak onartzea.
- Tabernen ordutegia onartzea.

**Orokorrak:**

- Tokiko Gobernu Batzarra hartutako erabakiaren aurkako errekursoak ebatzea.
- Ordenantzen urraketan ondorioz, Udaltzaingoa ez jagokezan bestelako zehapen edo zigor espedienteak hasi eta amaitzea.
- Lankidetzaren hitzarmenak onartzea.
- Lehiaketan deialdiak eta irabazleak ebatzea.
- Protokoloak onartzea.
- Prozedura eta inprimaki eredu normalizatuak onartzea.

2.- Alkatearen ahalmenetatik, jarraian zehazten diranak delegatzea Zinegotzi Delegatuaren alde:

**Zinegotzi Delegatu guztiengana:**

- 15.000 eurotik beherako legezko gastuak (BEZa kanpo) onartzea, xedatzea eta agintzea eta legezko esleipenak onartzea, xedatzea eta agintzea (A,D,O faseak).
- 15.000 eurotik beherako kontratazio espedienteetan (BEZa kanpo): kontratazio espedienteen hasiera eta beharrezkoaren justifikazioa onartzea, baldintza agiri, deialdi eta esleipenen onarpena, kontratuen luzapenak ebatzea eta kontratazioaren exekuzioagaz lotutako besteko erabakiak hartzea
- 15.000 euro edo eurotik gorako kontratazio espedienteetan (BEZa kanpo): espedienteen hasiera eta beharrezkoaren justifikazioa onartzea. Eta esleipen prozeduran egon daitezkeen galderak erantzutea.



- Obra eta zerbitzu proiektuak onartzea.

**Urigintza, Obra eta Ingurumeneko Zinegotzi Delegatuarengan:**

- Obra txikien lizentziak emotea.
- Ibi (pasabide) lizentziak emon eta kentzea.
- Jabari publikoaren okupazio lizentziak emotea obra lizentziekaz lotura zuzena badauke edo terrazak eta mahaiaik baimentzeko bada.

**Kulturako Zinegotzi Delegatuarengan:**

- Kultur ekipamenduen erabilera baimentzea.

**Ekonomiako Zinegotzi Delegatuarengan:**

- 15.000 euro edo eurotik gorako legezko gastuen (BEZa kanpo) fakturen onarpenak egitea (gastua agintzea "0" fasea).
- Kuota guztiak onartzea, xedatzea eta agintzea (jabe alkarteeri jagokezanak, bazkide kuotak, etab.)
- Ordainketen agintzea alkatea ez dagoenean.
- Zerga, tasen eta salneurri publikoen kitapenak eta padroiak onartzea.
- Frakzionamendu eta atzerapenak onartzea.
- Kitapen tributarioen kontra aurkezten diran errekurtsioak ebaztea.
- Langileen soldata aurrerapenak eta laguntza sozialak ebaztea.
- Langileen kontsumo eskariak ebaztea.
- Administraziozko ondare erantzukizuneko espedienteen erresoluzioa.
- Diruzaintzako arkeoak onartu.
- Fidantzak itzultzeko eskariak ebaztea.

**Langileriako Zinegotzi Delegatuarengan:**

- Langileen ikastaro baimen eta ordainketa eskariak ebaztea.

**Gizarte Ongizaterako Zinegotzi Delegatuarengan:**

- Gizarte Ongizaterako Saileko zerbitzuetan alta eta bajak onartzea:
  - o Oinarrizko Gizarte Zerbitzuak.
  - o Gizarte heziketarako eskuhartze psikosozialaren Zerbitzua.
  - o Etxez etxeko Zerbitzua.
  - o Etxebizitza Komunitarioaren Zerbitzua.
  - o Zaharren Egoitzako Zerbitzua.
  - o Eguneko Arreta zentruko Zerbitzua.
  - o Harrera etxea ostatu Zerbitzua
- Autoa ezinduentzako aparkalekuan izteko behin betiko txartel eskariak ebaztea.



- Adintxikiko babesgabetasun espedientea Bizkaiko Foru Aldundiko Adintxikikoen Babesarako Sailera bideratzea onartzea.

**BIGARRENA:** Erabagiak, sinatu eta hurrengo egunetik aurrera izango dauz eraginak. Halan da be, alkateak edozein momentutan errebotatu ditzakez egindako delegazioak edo kasu zehatz baterako delegazioen bat abokatu, arrazoi tekniko, ekonomiko, sozial, juridiko edo lurraldekoetan oinarrituta.

**HIRUGARRENA:** Erabagia Bizkaiko Aldizkari Ofizialean argitaratzea eta interesduneri jakinarazotea.

**LAUGARRENA:** Hurrengo Tokiko Gobernu Batzarrean eta Osoko Bilkurean Dekretuaren barri emotea.

**Oharra:** sinadurea eta dataa orri-oinean .



Agiri hau benetakoa dala udalaren egoitza elektronikoan egiaztatu ahal dozu.

Kodea:

07E50005CE100017R3Q1W1O5W5

**Sinadurea eta dataa**

ARITZ ABAROA CANTUARIENSE-BERMEOKO ALKATEA - 02/02/2021  
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 02/02/2021  
11:31:45

EXPEDIENTE ::  
2020IDA\_DEK1547

Fecha: 10/12/2020

Lekua: Bermeon

Erregistro unidatea:  
Erregistro nagusia

